

Th. X.

Porro quod ea mens sit Legumlatorum, quod nimirum ad transferendum dominium vacuæ possessionis traditione opus sit, inde etiam apparet, quod modi omnes improprie sive fictæ traditionis ita sint comparati, ut vacuum & justam possessionem in recipientem transferat, cujus exemplum est constitutum, si enim dominus, qui alicui vult traditam rem suam possidens constituat se alterius nomine possidere, eo ipso constituto vacuum possessionem, quam animo relinquit in accipientem transfert. L. 18. ff. de acq. poss. Neque obstat, L. 16. de fund. dotal. in quo responso videtur mulier proponi, quæ fundum, quem Titius possidebat, & prope jam usuceperat, marito in dotem dedit, eo affectu, ut fundus dotalis fieret, atque ex eo tempore ad prohibitionem legis Juliae pertinere inciperet, maritoque acquireretur vindicatio: quæ omnia arguant, dominium istius fundi marito quæsitum fuisse, per L. 23. de R. V. juncta. L. 13. §. 2. de fund. dotal. Cui tamen possessio acquiri non potuit, cum alius fundum possideret. Unde porro effici arbitrantur dissentientes, fundi istius dominium simplici traditione ac nudo brutoque corporis

poris